

საჯარო სამართლის იურიდიული პირი –
ბათუმის შოთა რუსთაველის სახელმწიფო უნივერსიტეტი

ბრძანება №01-02/42

ქ. ბათუმი

06 აპრილი, 2020 წ.


2019-2020 სასწავლო წლის გაზაფხულის სემესტრში ბსუ-ში
ელექტრონული სწავლების ადმინისტრირების წესის დამტკიცების
შესახებ

„უმაღლესი განათლების შესახებ“ საქართველოს კანონის 22-ე მუხლის, „განათლების ხარისხის განვითარების შესახებ“ საქართველოს კანონის, ბსუ-ს წესდების მე-13 მუხლის, ბსუ-ს აკადემიური საბჭოს 2015 წლის 08 ოქტომბრის №111 დადგენილებით დამტკიცებული „სასწავლო პროცესის მარეგულირებელი წესის“, ბსუ-ს აკადემიური საბჭოს 2018 წლის 20 თებერვლის №23 დადგენილებით დამტკიცებული „გამოცდების ჩატარების ინსტრუქციის“ საფუძველზე, „ახალ კორონავირუსთან დაკავშირებით პრევენციულ ღონისძიებათა განხორციელების წესის დამტკიცების შესახებ“ საქართველოს განათლების, მეცნიერების, კულტურისა და სპორტის მინისტრის 2020 წლის 27 თებერვლის №296 ბრძანების, „ქვეყანაში კორონავირუსის გავრცელების თავიდან აცილების მიზნით პრევენციული ღონისძიებების განხორციელების შესახებ“ საქართველოს მთავრობის 2020 წლის 02 მარტის №434 განკარგულების, კორონავირუსული ინფექციების შესაძლო გავრცელების აღკვეთის მიზნით ბსუ-ს პერსონალის სამსახურში გამოცხადებასთან დაკავშირებით გასატარებელ ღონისძიებათა შესახებ“ ბსუ-ს ადმინისტრაციის ხელმძღვანელის 2020 წლის 13 მარტის N01-10/37 ბრძანების, „ბსუ-ში 2019-2020 სასწავლო წელს გაზაფხულის სემესტრის სასწავლო პროცესის ორგანიზებულად ჩატარებისათვის გასატარებელი დროებითი ღონისძიებების შესახებ“ ბსუ-ს რექტორის 2020 წლის 16 მარტის №01-02/35 ბრძანების, „საქართველოში ახალი კორონავირუსის გავრცელების აღკვეთის მიზნით გასატარებელი ღონისძიების დამტკიცების შესახებ“ საქართველოს მთავრობის 2020 წლის 23 მარტის N181 დადგენილების, „საგანგებო მდგომარეობის მოქმედების პერიოდში საგანმანათლებლო დაწესებულებებში სასწავლო პროცესის განხორციელების შესახებ“ საქართველოს მთავრობის 2020 წლის 31 მარტის N205 დადგენილებისა და სახელმწიფო ინსპექტორის სამსახურის რეკომენდაციების (MES 520 00322223, 31.03. 2020), „საგანგებო მდგომარეობის მოქმედების პერიოდში ბსუ-ში სასწავლო პროცესის განხორციელების დამატებითი ღონისძიებების შესახებ“ ბსუ-ს რექტორის 2020 წლის 31 მარტის N01-02/39 ბრძანების და „ბსუ-ს 2019-2020 სასწავლო წლის აკადემიური კალენდარის დამტკიცების შესახებ“ ბსუ-ს აკადემიური საბჭოს 2019 წლის 08 ივლისის №06-01/70 დადგენილებაში დამატების შეტანის თაობაზე“ ბსუ-ს აკადემიური საბჭოს 2020 წლის 2 აპრილის N06-0/24 დადგენილების საფუძველზე

ვ ბ რ ძ ა ნ ე ბ:

1. დამტკიცდეს 2019-2020 სასწავლო წლის გაზაფხულის სემესტრში ბსუ-ში ელექტრონული სწავლების ადმინისტრირების თანდართული წესი (დანართი 1).
2. დამტკიცდეს „ელექტრონული სწავლების მართვის ჯგუფი“ შემდეგი შემადგენლობით:
 - ა) ირაკლი კორძია (ჯგუფის ხელმძღვანელი) - ბსუ-ს ხარისხის უზრუნველყოფის სამსახურის ხელმძღვანელის მ/შ ;
 - ბ) მერაბ დიასამიძე (ჯგუფის უფროსის მოადგილე) - სტუდენტთა კარიერული განვითარების, კულტურისა და სპორტის დეპარტამენტის უფროსი;
 - გ) ამირან შარაძე (წევრი) - სტუდენტთა კარიერული განვითარების, კულტურისა და სპორტის დეპარტამენტის სტუდენტთა ელექტრონული რესურსების სამსახურის უფროსი;
 - გ) ზვიად ბერაძე (წევრი) - ბსუ-ს საინფორმაციო ტექნოლოგიების სამსახურის უფროსი;
 - დ) ბსუ-ს ფაკულტეტების ხარისხის უზრუნველყოფის სამსახურის უფროსები (წევრები) - ასიე ცინცაძე, თეა ქოიავა, გოჩა ჩავლეშვილი, ირაკლი გორგილაძე, ჟუკა გუმბარიძე და ნანა მაკარაძე.
3. ბრძანება გამოქვეყნდეს ბსუ-ს ვებგვერდზე.
4. ბრძანება გასაცნობად და აღსასრულებლად დაეგზავნოს ბსუ-ს ადმინისტრაციის ხელმძღვანელს, რექტორის მოადგილეებს, ხარისხის უზრუნველყოფის სამსახურს, ფაკულტეტებს, სტუდენტთა კარიერული განვითარების, კულტურისა და სპორტის დეპარტამენტს, საფინანსო-ეკონომიკურ დეპარტამენტს, საინფორმაციო ტექნოლოგიების სამსახურს და იურიდიულ დეპარტამენტს.
5. ბრძანება ამოქმედდეს ხელმოწერისთანავე.
6. ბრძანება შეიძლება გასაჩივრდეს კანონმდებლობითი დადგენილი წესით, მისი გამოცემიდან ერთი თვის ვადაში ბათუმის საქალაქო სასამართლოში (ქ. ბათუმი, ს. ზუბალაშვილის ქ. №30).

რექტორი, ასოცირებული პროფესორი



მერაბ ხალვაში

„2019-2020 სასწავლო წლის გაზაფხულის სემესტრში ბსუ-ში
ელექტრონული სწავლების ადმინისტრირების წესის დამტკიცების
შესახებ“ ბსუ-ს რექტორის 2020 წლის 06 აპრილის N
ბრძანების

დანართი 1

2019-2020 სასწავლო წლის გაზაფხულის სემესტრში ბსუ-ში
ელექტრონული სწავლების ადმინისტრირების წესი

მუხლი 1. ზოგადი დებულებები

1. წინამდებარე წესი შემუშავებულია „ახალ კორონავირუსთან დაკავშირებით პრევენციულ ღონისძიებათა განხორციელების წესის დამტკიცების შესახებ“ საქართველოს განათლების, მეცნიერების, კულტურისა და სპორტის მინისტრის 2020 წლის 27 თებერვლის №296 ბრძანების, „ქვეყანაში კორონავირუსის გავრცელების თავიდან აცილების მიზნით პრევენციული ღონისძიებების განხორციელების შესახებ“ საქართველოს მთავრობის 2020 წლის 02 მარტის №434 განკარგულების, კორონავირუსული ინფექციების შესაძლო გავრცელების აღკვეთის მიზნით ბსუ-ს პერსონალის სამსახურში გამოცხადებასთან დაკავშირებით გასატარებელ ღონისძიებათა შესახებ“ ბსუ-ს ადმინისტრაციის ხელმძღვანელის 2020 წლის 13 მარტის N01-10/37 ბრძანების, „ბსუ-ში 2019-2020 სასწავლო წელს გაზაფხულის სემესტრის სასწავლო პროცესის ორგანიზებულად ჩატარებისათვის გასატარებელი დროებითი ღონისძიებების შესახებ“ ბსუ-ს რექტორის 2020 წლის 16 მარტის №01-02/35 ბრძანების, „საქართველოში ახალი კორონავირუსის გავრცელების აღკვეთის მიზნით გასატარებელი ღონისძიების დამტკიცების შესახებ“ საქართველოს მთავრობის 2020 წლის 23 მარტის N181 დადგენილების, „საგანგებო მდგომარეობის მოქმედების პერიოდში საგანმანათლებლო დაწესებულებებში სასწავლო პროცესის განხორციელების შესახებ“ საქართველოს მთავრობის 2020 წლის 31 მარტის N205 დადგენილებისა და სახელმწიფო ინსპექტორის სამსახურის რეკომენდაციების (MES 520 00322223, 31.03. 2020), „საგანგებო მდგომარეობის მოქმედების პერიოდში ბსუ-ში სასწავლო პროცესის განხორციელების დამატებითი ღონისძიებების შესახებ“ ბსუ-ს რექტორის 2020 წლის 31 მარტის N01-02/39 ბრძანების და „ბსუ-ს 2019-2020 სასწავლო წლის აკადემიური კალენდარის დამტკიცების შესახებ“ ბსუ-ს აკადემიური საბჭოს 2019 წლის 08 ივლისის №06-01/70 დადგენილებაში დამატების შეტანის თაობაზე“ ბსუ-ს აკადემიური საბჭოს 2020 წლის 2 აპრილის N06-0/24 დადგენილების საფუძველზე.

- წინამდებარე წესის მიზანია განსაზღვროს საჯარო სამართლის იურიდიული პირი - ბათუმის შოთა რუსთაველის სახელმწიფო უნივერსიტეტში (შემდეგში - **ბსუ ან უნივერსიტეტი**) 2019-2020 სასწავლო წლის გაზაფხულის სემესტრში (რომელიც დაიწყო 2020 წლის 10 თებერვალს) 2020 წლის 16 მარტიდან დისტანციური ფორმატით (შემდეგში - „ელექტრონული სწავლება“ ან დისტანციური სწავლება“) გაგრძელებული სასწავლო პროცესის ძირითადი რეგულაცია, რაც დაკავშირებულია თანამედროვე საინფორმაციო-საკომუნიკაციო ტექნოლოგიებზე დაფუძნებული ელექტრონული კომპონენტების გამოყენებით სწავლების სპეციფიკასთან.

მუხლი 2. სასწავლო პროცესში ელექტრონული პლატფორმების გამოყენება

- ბსუ-ს დისტანციური ფორმატის სასწავლო პროცესში ელექტრონული ასინქრონული კომუნიკაციისათვის შეიძლება გამოყენებული იყოს ბსუ-ს ელექტრონული პორტალი (portal.bsu.edu.ge), ბსუ-ს სასწავლო პროცესის მართვის ელექტრონული სისტემა (spm.bsu.edu.ge) და სასწავლო პლატფორმა Moodle, ხოლო ელექტრონული სწავლების სინქრონული კომუნიკაციისათვის - ონლაინ პლატფორმა Zoom (ბსუ-ს ვებგვერდზე, პორტალზე განთავსებულია ამ ელექტრონული რესურსების გამოყენების ინსტრუქციები როგორც სტუდენტებისათვის, ასევე სასწავლო კურსების წარმმართველი პერსონალისათვის).
- სინქრონული კომუნიკაცია გულისხმობს ისეთ ინტერაქციას, როდესაც სასწავლო კურსის წარმმართველი პერსონალსა (შემდეგში „**ლექტორი**“) და სტუდენტს შორის კომუნიკაცია ერთსა და იმავე დროს ხორციელდება.
- ასინქრონული კომუნიკაცია გულისხმობს ისეთ ინტერაქციას, როდესაც ინფორმაციის გამგზავნი და მიმღები ერთსა და იმავე დროს არ ახდენენ კომუნიკაციას.
- როგორც სინქრონული, ასევე ასინქრონული კომუნიკაციისას ლექტორი სასწავლო კურსის გაციფრებულ მასალებს (სასწავლო ლიტერატურას, სალექციო კურსებსა და ჩანაწერებს, სალექციო პრეზენტაციებს... და სხვ.) ყოველკვირეულად აწვდის სტუდენტებს ბსუ-ს ელექტრონული პორტალის (portal.bsu.edu.ge), სასწავლო პროცესის მართვის ელექტრონული სისტემის (spm.bsu.edu.ge) და პლატფორმის Moodle-ს მეშვეობით, შესაბამისი აუცილებელი მითითებებითა და ინსტრუქციით, რაც სტუდენტებს გაუადვილებს სწავლის პროცესის დაგეგმვასა და დამოუკიდებელი მუშაობის პროცესს (უწყვეტი სასწავლო გეგმის მიზნებისათვის მომდევნო კვირის მასალა არაუგვიანეს მიმდინარე კვირის დასასრულს უნდა ატვირთოს).
- სინქრონული კომუნიკაციისას ლექტორი ყოველკვირეულ სალექციო/საკონსულტაციო აქტივობას ახორციელებს ონლაინპლატფორმა zoom-ის მეშვეობით, ცხრილით მითითებულ დროს.

6. ჯგუფში მუშაობის/პრაქტიკული მეცადინეობების აქტივობები და შეფასებები უნდა განხორციელდეს ელექტრონული პორტალის (portal.bsu.edu.ge) ელ. სწავლების პლატფორმის, სასწავლო პროცესის მართვის ელექტრონული სისტემის (spm.bsu.edu.ge) და პლატფორმის Moodle-ს მეშვეობით, ცხრილით მითითებულ დროს.
7. ბსუ-ს ყველა უმაღლეს საგანმანათლებლო პროგრამაზე 2020 წლის 16 მარტიდან დისტანციური (ელექტრონული) სწავლების ფორმატში გაგრძელებული 2019-2020 სასწავლო წლის გაზაფხულის სემესტრის სასწავლო პროცესი უნდა წარიმართოს სწავლა-სწავლების მეთოდებში ელექტრონული კომპონენტის ჩართვის აუცილებლობიდან გამომდინარე, შესაბამის სასწავლო კურსებით გათვალისწინებულ აქტივობებში (ლექცია/სემინარი/ჯგუფში მუშაობა და სხვა) და შეფასების ფორმებში საჭირო ცვლილებების განხორციელების საფუძველზე (ბსუ-ს აკადემიური საბჭოს 2020 წლის 2 აპრილის N06-01/24 დადგენილების თანახმად შეთანხმებული უნდა იყოს შესაბამისი საგანმანათლებლო პროგრამის ხელმძღვანელთან, ფაკულტეტის ხარისხის უზრუნველყოფის სამსახურის უფროსთან და ბსუ-ს ხარისხის უზრუნველყოფის სამსახურთან).

მუხლი 3. გაზაფხულის სემესტრის შუალედური და დასკვნითი გამოცდები

1. 2019-2020 სასწავლო წლის გაზაფხულის სემესტრის შუალედური და დასკვნითი გამოცდები ტარდება ბსუ-ში მოქმედი სამართლებრივი აქტების შესაბამისად, წინამდებარე წესით განსაზღვრული გამონაკლისების (სპეციალური წესის) გათვალისწინებით.
2. ყოველ სასწავლო კურსში, მიუხედავად პრაქტიკული და სალექციო ჯგუფების რაოდენობისა, გამოცდა ტარდება ერთსა და იმავე დროს, ფაკულტეტის მიერ შედგენილი ცხრილის მიხედვით.
3. საუნივერსიტეტო სასწავლო კურსებისთვის (ინგლისური ენა, საინფორმაციო ტექნოლოგიები და სხვა) უნდა დადგინდეს ერთიანი თარიღი (რიცხვი, საათი).
4. შუალედური გამოცდის ხანგრძლივობა შეადგენს 2 საათსა და 30 წუთს.
5. გამოცდების ჩატარების ინსტრუქცია განთავსებულია ბსუ-ს პორტალზე.
6. გამოცდების ორგანიზებისა და ჩატარების მიზნით:

ა) სასწავლო კურსის წამყვანი ლექტორი ადგენს საგამოცდო ბილეთის არანაკლებ 4 ვარიანტს. შუალედური გამოცდის შემთხვევაში, თითოეული ვარიანტი უნდა მოიცავდეს არანაკლებ ოთხ 5-ქულიან საკითხს (სასურველია საგამოცდო საკითხები იყოს დიფერენცირებული შეფასებით; გამოყენებულ იქნას კომბინაციები, როგორც ბილეთის შინაარსში (საკითხი, ამოცანა, ქეისი, ნახაზი

და ა.შ.), ასევე ქულების მინიჭებაში (2 საკითხი, თითოეული 5 ქულიანი, 5 ღია ტესტი, თითოეული 1-ქულიანი და ერთი ქეისი 5-ქულიანი, ჯამში - 20ქულა));

ბ) შედგენილი საგამოცდო ბილეთები თანხმდება შესაბამისი დარგობრივი დეპარტამენტის ხელმძღვანელთან, ფაკულტეტის დეკანთან და ხარისხის უზრუნველყოფის სამსახურთან (დაუშვებელია ვიზირებული (დაშვებული) გამოცდის ბილეთში ცვლილება);

გ) ჯგუფში მუშაობის/პრაქტიკული მეცადინეობის ლექტორმა, სასწავლო კურსის წამყვან ლექტორთან შეთანხმების საფუძველზე, საგამოცდო ბილეთები უნდა განათავსოს ბსუ-ს სასწავლო პორტალზე (portal.bsu.edu.ge) (შუალედური გამოცდის ბილეთები უნდა განთავსდეს 2020 წლის 17 აპრილიდან არაუგვიანეს 24 აპრილისა);

დ) ელექტრონულ პორტალზე საგამოცდო ბილეთების განთავსებისთანავე, იგივე ლექტორი მიუთითებს გამოცდის ჩატარების თარიღს და საათს, შესაბამისი ფაკულტეტის ადმინისტრაციის მიერ შედგენილი ცხრილის შესაბამისად;

ე) ლექტორის მიერ მითითებული გამოცდის ჩატარების თარიღი და საათი მაშინვე აისახება სტუდენტურ პორტალზე და სტუდენტს გამოცდამდე ერთი დღით ადრე პორტალის მეშვეობით გაეგზავნება სმს - შეტყობინება;

ვ) სტუდენტისთვის გამოცდის ბილეთი (ვიზირებული ბილეთებიდან, შემთხვევითობით არჩეული ვარიანტი) ხელმისაწვდომი ხდება გამოცდის დაწყებისთანავე;

7. ლექტორი სტუდენტთა საგამოცდო ნაშრომებს აფასებს და ასახავს შესაბამის ელექტრონულ სისტემაში ბსუ-ს სასწავლო პროცესის მარეგულირებელი წესით (ბსუ-ს აკადემიური საბჭოს 2015 წლის 8 ოქტომბრის N111 დადგენილება) დადგენილ ვადებში, ჯგუფში სტუდენტთა რაოდენობის გათვალისწინებით, კერძოდ:

ა) 1-დან 25- მდე სტუდენტის შემთხვევაში – 2 დღეში;

ბ) 25-დან 50-მდე სტუდენტის შემთხვევაში – 3 დღეში;

გ) 50-დან 70-მდე სტუდენტის შემთხვევაში – 4 დღეში;

დ) 70-ზე მეტი სტუდენტის შემთხვევაში – 5 დღეში;

მუხლი 4. ელექტრონული სწავლების მხარდაჭერა

1. ელექტრონული სწავლების პროცესის ადმინისტრირების/მართვისა და მხარდაჭერის მიზნით რექტორის ბრძანებით შექმნილი ჯგუფი (ბსუ-ს და ფაკულტეტების ხარისხის უზრუნველყოფის სამსახურების, სტუდენტთა კარიერული განვითარების, კულტურისა და სპორტის დეპარტამენტის (სტუდენტთა ელექტრონული რესურსების სამსახურის) შესაბამისი პერსონალის წარმომადგენლები) უზრუნველყოფენ აკადემიური პერსონალისა და სტუდენტების

კონსულტირებას, ტექნიკურ საკითხებში მხარდაჭერას, სასწავლო პროცესის შეუფერხებელი მიმდინარეობის მონიტორინგს (მათ შორის, ონლაინ ლექციებზე, სასემინარო და პრაქტიკულ მეცადინეობებზე დასწრებასა, სტუდენტთა ნაშრომების დადგენილ ვადებში შეფასებას, მათ ასახვას სისტემაში და სტუდენტებისათვის უკუკავშირის პროცესს).

2. წინამდებარე მუხლში აღნიშნული „ელექტრონული სწავლების მართვის ჯგუფის“ წარმომადგენლები და ფაკულტეტების დეკანები უზრუნველყოფენ ასევე „საგანგებო მდგომარეობის მოქმედების პერიოდში ბსუ-ში სასწავლო პროცესის განხორციელების დამატებითი ღონისძიებების შესახებ“ ბსუ-ს რექტორის 2020 წლის 31 მარტის N01-02/39 ბრძანების აღსრულების მონიტორინგს „პერსონალურ მონაცემთა დაცვის შესახებ“ საქართველოს კანონით გათვალისწინებული დარღვევების პრევენციისათვის.